

Charvátce 21. VIII. 1925.

R. 27 —

Illustre domino praesidente! con molte pertelligenze.

gratias pro vestris litteras. Officiale periodico de catholico clero "čech" habe impresso in vno de 23. julio meo articulo "moderno latino". Simile articulo es in vno de "Lidové Listy" de 13. agosto. Ambo articulo contine breve historia de A.P.J., organizatione de A.D.J. et argumentos pro J., ni optimo solutione de lingua internationale. 20. julio me habe misso speciale articulos ad sequente periodicos de drogista:

- 1) "Drogistické listy", Praha II. - 406, Podskalské náměstí, č. 12.
- 2) "český drogista", Praha - Král. Vinohrady, Hanálská ul. č. 3.
- 3) "Deutsche Drogistenzeitung", Verleger Johann Hünster, česká Lípa.

7. agosto me habe misso magno labore, inhabitante materia comparante diverso solutione de lingua auxiliare cum citationes necesse, breve historia de illos, historia de A.P.J., grammatica de J., organizatione de A.D.J., ad scientificis mensuale periodico "časopis kat. duhovenstva".

Novo articulos me habe misso ad "čech", "Lidové Listy" et prepara articulos pro professionalis revista de medicos et professores.

9. agosto me habe misso litteras ad honorato direttore de A.P.J., domino ing. G. Lanesi. Ab illo tempore me habe misso A.P.J., J., breve gram. de J. in chec., etc. ad personas sequente, qui habe illos ab me precatos:

- 1) Aloesstin Pastor, katicheta, I. č. Petrovice u Rakovníka,
- 2) J. K. Slavík, prof. bohosloví v č. Bndějovicích,

- 3.) P. Filip Hlaaaký, O.F.M., Praha II. - 453, Trani. Klášter,
- 4.) Adolf Ríaký, Praha I., Melantrichova č. 4. nové,
- 5.) MUDr. Bedřich Truksa, Kolín IV. - 182.
- 6.) Jan Hlohout, profesor, Kolín II. - 150.
- 7.) Albin Krásona, Lučenec, posádkovi velitelství, Slovensko.
- 8.) Prof. Dr. Jan N. Jindra, Huťná Hora, z. Bartolomějská ul. 214.
- 9.) Jaroslav Pavelka, farář, Křišín, p. Lechtice,
- 10.) Štěpán Pokorný, Kruceburk u Chotěboře
- 11.) Rudolf Miloša, farář, Rosci, p. Jindř. Hradec,
- 12.) Ing. K. Slavík, Praha - Smíchov, Tomášková ul. 41.

Es alio personas, qui lege meo articulos et preca numero de ADJ, gram. de J, charta de associatione, informationes de J. etc., sed me habe misso omne, qui me habe accepto de vos et omni meo proprio nro de ADJ, sicut et illos de rev. domino Dvořák - ita, ut me non pote ab 18. VIII. mitte aliquid ad personas petente, nam nos ambo habe nihil.

Si consocios de terras extraneos vol in modo energico collabora, es toto programma meo effabile. Me habe sperato, quod consocios i gaude, de habe possibilitate labora ut organizatores et per J. edificia novo, meliore humanitate in ramo de ADJ.

Et si nemine vol effice isto idea, me i labora solo pro J. et ADJ.

Je resteraí fidèle toujours à vous et votre génial oeuvre, nam J. es grandioso conjunctione de cultura latino et illo, que cresce pro meliore futuro de triste mentale chaoso de nunc.

Me i fac omne, ut existe in meo lingua materno practico et completo grammatica cum conversatione etc. in moderno latino.

Si vos, illustre domino presidente, habe simile publicatione, me i es ad vos vere grato. Praecipue brevis conversationes de vita quotidiano es necesse. Me precor vos, indica ad me pretio de vocabularios de rev. Pinth, de vestro, 100 exemplo de I. et de opere, Guérard: A short history of the international language movement. Illos pote es ad me vere utile, sed pretio de illos, verisimile per errore, non es indicato.

Me crede ad vos, illustre domino presidente, quod vos es vestra occupato. Me habe dato mille omne ad vos, nam me vive in ultimo menses in difficile condicio. Me debe cura grave aegrotio fratre (apoplexia) dum plurimo hora de die, cura parvo infans de illo (2 et 4 annos), cura meo infirmo matre (angina pectoris) et adjuva meo senex patre; me habe multo labore et dormi 4-5 hora. Fui bis aegrotio dum junio, es saepe fesso et tamen debe ostende laeto facie, nam de meo valetudine et forte depende vita et felicitate de illos.

Exculpa me igitur affabile, me i fac omne, ni vos non habe plure labore. Dabit Deus his quoque finem.

Cordiale salutationes

de vestro devoto

D^t Jindřich Tůma.